



Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 33. Jacobi Putei Cardinalis obitus.

[urn:nbn:de:hbz:466:1-67192](#)

Hoc edictum non modo promulga- Sæcul XVI.
A.C. 1563.
tum est, ut licentiæ Librariorum quos-
cunque libros, ac libellos promiscue
absque permisso edentium obviaretur,
sed potissimum id fiebat, ut tam Guisio
Duci, quam Colinio Architalasso fa-
ventium furor coerceretur, cum non
minus hi, quam illi famosis suis libel-
lis mutuo se se proscinderent.

§. XXXII.

Aliud edictum in favorem Parochorum.

Insuper in favorem Clericorum ex Pa-
risensi Diæcesi sanctum fuit, ut
Sacerdotes, & Parochi a publicis one-
ribus, militum stationibus, præstanta
annona, aliisque, quæ copiis in tran-
situ alendis imperari consueverunt, im-
munes essent. Hoc edictum eodem
die, quo superius diploma, in Senatu
fuit promulgatum, illiusque executio,
ac cognitio Prætori Parisiensi speciali-
ter demandata: alio autem edicto sta-
tutum, ut in quavis Ecclesia Cathedrali,
& Collegiata, ubi plures, quam de-
cem Canonici sunt, Magister, aut Scho-
lasticus constituantur, qui juvenes Re-
ligionis, ac literarum præceptis imbue-
ret, ita tamen, ut ei cuiusdam præ-
bendæ reditus assignentur.

§. XXXIII.

Jacobi Putei Cardinalis obitus.

O 2

Hoc

Sæcul. XVI
A C. 1563.

Hoc anno die vigesima sexta Aprilis
Puteus Cardinalis Romæ mortuus
est annos natus sexaginta novem. Is
Niciæ in Provincia ex nobili genere or-
tus Anno Salutis reparatæ milesimo
quadragecentesimo nonagesimo quinto
nona Februarii primam lucem aspexe-
rat, ac celebris Petri Accoltii inter ævi
sui Jurisconsultos longe clarissimi Ma-
gisterio usus jurisprudentiæ operam
navabat, ac paulopost eidem Petro in
suo munere succedebat, quippe a Pau-
lo III. perbenigne receptus Auditor Ro-
tæ creabatur, illudque officium per
quindecim omnino annos cum summa
laude, ac integritate obibat, donec a
Julio III., cui ante Pontificatum amica
necessitudine sese adjunxerat, Barensis
Archiepiscopus electus est, & difficil-
limis Pontificatus negotiis adhibitus
tandem Anno Christi millesimo quin-
gentesimo quinquagesimo primo Cardi-
nalis tit. Sancti Simeonis renuntiaba-
tur. Seligebatur is etiam ab eodem
Pontifice, ut unacum Joanne Baptista
Cicada Cardinale bonorum Ecclesiati-
corum alienationes contra Constitutio-
nem Pauli II. factas recognosceret, ab-
oleretque, necnon bona emphiteutica,
& census quarumdam Ecclesiarum in
Pontifica ditione existentium liberaret.
Postea sub Pauli IV. Pontificatu ad ti-
tulum

tulum S. Mariæ in via translatus, ut- Sæcul. XVI.
riusque, ut vocant, signaturæ Præfe- A.C. 1563.
tus, necnon Sacræ Inquisitionis Præ-
ses, Regnique Poloniæ, Ordinis Meli-
tensis, & Carmelitanæ Religionis Pro-
tector creabatur: postquam vero annis
plusquam duodecim, absens licet, Ba-
rensem Ecclesiam rexerat, Anno Do-
mini millesimo quingentesimo sexage-
sim secundo eandem Antonio Nepoti
suo cessit: insuper idem a Pio IV. ad
Sacrosanctam Tridentinam Synodum
Legatus, ac Præses, in locum Cardi-
nalnis Seripandi ibidem defuncti nomi-
nabatur, ast cum itineri se accingeret,
Romæ obiit. Reliquit is quædam in-
genii sui monumenta, atque inter ea
celebrantur decisiones Rotæ, necnon li-
ber de variatione Monetarum, præter
plures literas.

§. XXXIV.

Duo Cardinales a Papa creati.

Priusquam Puteus e vivis exceperat, Cron. pag. 943.
aliquot ante Mensibus die sexta Ja-
nuarii Anno Salvatoris nostri millesimo
quingentesimo sexagesimo tertio sum-
mus Pontifex duos creabat Cardinales,
quorum primus erat Fridericus Gon-
zaga Friderici L. Mantuae Ducis, &
Margaritæ Paleologæ Montferratensis
Filius: alter vero Ferdinandus Medi-

O 3 cæus